

Uroš Bojanić iz EFT Group je tokom prezentacije kazao kako su do 2012. godine u Rudnik Stanari uložena 63 miliona KM u opremu: kamione, bagere, dampere... Prema njegovim riječima, godišnja potrošnja uglja za proizvodnju električne energije u TE Stanari biće oko dva miliona tona, što će biti dovoljno za godišnju proizvodnju dva miliona megavatsati struje.

On je dodao kako kompanija u narednih 10 godina ne očekuje veliki profit od RiTE Stanari jer će u tom periodu vraćati kredit kineskoj banci koja je finansirala izgradnju termoelektrane.

Odgovarajući na pitanje novinara o liberalizaciji tržišta električne energije, Bojanić je kazao kako je tržište u BiH veoma otvoreno, ali uslovi ne dozvoljavaju da neko konkuriše elektroprivredama zbog niske cijene.

“BiH ima višak struje i elektroprivrede pokušavaju da zadrže svoje kupce, zato nama nisu krajnji cilj kupci u BiH nego izvoz. Mi nismo konkurencija elektroprivredama”, rekao je Bojanić.

Termoelektrana Stanari je početkom januara krenula sa isporukama prvih megavata u energetska mrežu Bosne i Hercegovine. Ovim isporukama struje započela je finalna test faza, koja će trajati nekoliko mjeseci.

Ukupna vrijednost projekta RiTE Stanari je oko 560 miliona eura, što uključuje izgradnju termoelektrane i razvoj rudnika do potrebnog kapaciteta.

izvor: slobodjenje.ba